

朝

四

新

魚

淵明小像



陶集小像一


陶淵明

淵明集

東坡小像



陶集小像二





東坡小傳

陶淵明文集序

梁昭明太子統



夫自衍自媒者士女之醜行不忤不求
 者明達之用心是以聖人韜光賢人遁
 避一作世其故何也含德之至莫踰於道
 親已之切無重於身故道存而身安道
 亡而身害處百齡之內居一世之中倏
 忽比之白駒寄寓謂之逆旅宜乎與大
 塊而榮枯一作盈虛隨中和而任放一作放蕩豈

陶淵明文集序

能戚戚勞於憂畏汲汲役於人間齊謳
 趙女之娛八珍九鼎之食結駟連鑣之
 遊一作連騎之榮侈袂執圭之貴樂既樂矣憂
 亦隨之何倚伏之難量亦慶吊之相及
 智者賢人居之甚履薄冰愚夫貪士競
 之一作此若泄尾閭玉之在山以見珍而
 招一作終破蘭之生谷雖無人而猶自一作
 芳故莊周垂釣於濠伯成躬耕於野或
 貨海東之藥草或紡江南之落毛譬彼

鴛鴦豈競鳶鷂之肉猶斯雜縣一作海鳥寧

勞文仲之牲至如子常甯喜之倫蘇秦

衛鞅之匹死之而不疑甘之而不悔主

父偃言生不五鼎食死則五鼎烹卒如

其言豈不痛哉一作矣又有楚子觀周受

折於孫滿霍侯駮乘禍起於負芒饕餮

之徒其流甚衆唐堯四海之主而有汾


陽之心子晉天下之儲而有洛濱之志

輕之若脫屣視之若鴻毛而况於他乎

是以至人達士曰以晦迹或懷釐而謁
 帝或被褐披一作裘而負薪鼓楫清潭棄機
 漢曲情不在於衆事寄衆事以忘情者
 也有疑陶淵明詩篇篇有酒吾觀其意
 不在酒亦寄酒為跡焉其文章不群詞
 彩精拔跌宕昭彰獨超衆類抑揚爽朗
 莫之與京橫素波而傍流干青雲而直
 上語時事則指一作語而可想論懷抱則
 曠而且真加以貞志不休安道苦節不

以躬耕為耻不以無財為病自非大賢
 篤志與道污隆孰能如此乎余愛嗜其
 文不能釋手尚想其德恨不同時故更
 加搜求粗為區目白璧微瑕者唯在閑
 情一賦楊雄所謂勸百而諷一者一作幸
 無諷諫何必搖其筆端惜哉無是可
 也并粗點定其傳編之于錄嘗謂有能
 讀淵明之文者馳競之情遣一作遠鄙吝
 之意祛貪夫可以廉懦夫可以立豈止

仁義可蹈亦乃爵祿可辭不勞復傍遊
太華遠求柱史此亦有助於風教爾



總目

第一

詩

停雲一首

時運一首

榮木一首

贈長沙公族祖一首

酬丁柴桑一首

答龐參軍一首

勸農一首

命子一首

歸鳥一首

第二

詩

形贈影一首

影答神一首

神釋一首

九日閑居一首

歸園田居六首

遊斜川一首

示周掾祖謝一首

乞食一首

諸人共遊周家墓柏下一首

怨詩楚調示龐主簿鄧治中一

首

答龐參軍一首

五月旦和戴主簿一首

陶集卷目
連雨獨飲一首

移居二首

和劉柴桑一首

酬劉柴桑一首

和郭主簿二首

於王撫軍座送客一首

與殷晉安別一首

贈羊長史一首

歲暮和張常侍一首

第三

詩

和胡西曹示顧賊曹一首

悲從弟仲德一首

始作鎮軍參軍經由阿一首

庚子歲五月中從都還阻風於

規林二首

辛丑歲七月赴假還江陵夜行

塗中一首

癸卯歲始春懷古田舍二首
癸卯歲十二月中作與從弟敬

遠一首

乙巳歲三月為建威參軍使都
經錢溪一首

還舊居一首

戊申歲六月中遇火一首

己酉歲九月九日一首

庚戌歲九月中於西田穫早稻

一首

丙辰歲八月中於下溪田舍穫

一首

飲酒二十首

止酒一首

述酒一首

責子一首

有會而作一首

蜡日一首

四時一首

第四

詩

擬古九首

雜詩十二首

詠貧士七首

詠二疎一首

詠三良一首

詠荆軻一首

讀山海經十三首

擬挽歌辭三首

聯句一首

第五

賦辭

感士不遇賦

閑情賦

歸去來兮辭

第六

記傳贊述

桃花源記 并詩

晉故征西大將軍長史孟府君

傳 并贊

五柳先生傳 并贊

扇上畫贊

讀史述九章

第七

傳贊

天子孝傳贊

諸侯孝傳贊

卿大夫孝傳贊

士孝傳贊

庶人孝傳贊

第八

疏祭文

與子儼等疏

祭程氏妹文

祭從弟敬遠文

自祭文

第九

集聖賢群輔錄上

第十

集聖賢群輔錄下

陶淵明文集卷第一

詩

停雲 并序



停雲思親友也樽湛新醪園列初榮
言不從歎息彌襟云爾

靄：停雲濛：時雨八表同昏平路伊

阻靜寄東軒春醪獨撫良朋悠邈搔首

延佇停雲靄：時雨濛：八表同昏平

陸成江有酒有酒閑飲東牕願言懷人

舟車靡從東園之樹枝條再榮競用新
好朋一作親好競以招余情人亦有言日月于
征安得但席說彼平生翮一作飛輕一作鳥
息我庭柯斂翮閑止好聲相和豈無他
人念子寔多願言不獲抱恨如何

時運并序

時運遊暮春也春服既成景物斯和偶
影獨遊欣慨交心

邁二時運穆二良朝罷我春服薄言東

郊山滌餘霽宇暖微霄有風自南翼彼
新苗洋二平津乃漱乃濯邈二遐景載

欣載矚稱心而言人亦易足一作人亦

足易揮茲一觴陶然自樂延目中流悠二

清沂童冠齊業閑詠以歸我愛其靜寤
寐交揮但恨殊世邈不可追斯晨斯夕

言息其廬花藥分列林竹翳如清琴橫

牀一作藤濁酒半壺黃唐莫逮慨獨在予

榮木并序

榮木念將老也日月推遷已復有一作
夏總角聞道白首無成

采榮木結根于茲晨耀其華夕已喪
之人生若寄顛顛有時靜言孔念中心
悵而采榮木于茲託根繁華朝起慨
暮不存貞脆由人禍福無門匪道曷依
匪善奚敦嗟予小子稟茲固陋徂年既
流一作遂往業不增舊志彼弗舍安此日富
我之懷矣怛焉內疚先師遺訓予豈云

墜四十無聞斯不足畏脂我名車策我
名驥千里雖遙孰敢不至

贈長沙公族祖并序

長沙公於余為族祖同出大司馬昭穆
既遠已為路人經過潯陽臨別贈此
同源分流人易世踈慨然寤歎念茲厥
初禮服遂悠歲月眇徂感彼行路眷然
躊躇於穆令祖允搆斯堂諧氣冬暉宋本
暉映懷珪璋爰采春花載鷺秋霜一作
爰采

春苑載我曰欽哉實宗之光伊余云遘
散秋霜在長忘同言笑未久逝焉西東遥遥三
湘滔滔九江山川阻遠行李時通何以
寫心貽此話言進篋雖微終焉為山敬
哉離人臨路淒然款襟或遼音問其先

酬丁紫桑

有客有客爰來官止秉直司聰惠于百
里餐勝如歸聆善一作音若始匪惟也諧
屢有良由載馳載驅一作載言載眺以寫我憂

放歡一遇既醉還休寔欣心期方從我
遊

答龐參軍 并序

龐為衛軍參軍從江陵使上都過潯陽
見贈

衡門之下有琴有書載彈載詠爰得我
娛豈無他好樂是幽居朝為灌園夕偃
蓬廬人之所寶尚或未珍不有同愛去
胡以親我求良友寔覲懷人歡心孔洽

棟宇唯鄰伊余懷人欣德孜孜我有旨
酒與汝樂之乃陳好言乃著新詩一日
不見如何不思嘉遊未數誓將離分送
爾於路銜觴無忻依舊楚邈邈西雲
之子之遠良話曷聞昔我云別倉庾載
鳴今也遇之霰雪飄零大藩有命作使
上京豈妄宴安王事靡寧慘慘寒日肅
肅其風翩彼方舟容與江中勗哉征人
在始思終敬茲良辰以保爾躬

勸農

悠二上古厥初生民傲然自足抱朴含
真智巧既萌資待靡曰誰其贍之寔賴
哲人哲人伊何時惟后稷贍之伊何實
曰播植舜既躬耕禹亦稼穡遠若周典
八政始食熙二令德猶二原陸卉木繁
榮和風清穆紉二士女趣時競逐桑婦
宵征農夫野宿氣節易過和澤難久冀
缺攜儻沮溺結耦相彼賢達猶勤壟畝

矧伊衆庶曳裾拱手民生在勤勤則不
匱宴安自逸歲莫奚奠儋石不儲飢寒
交至願尔儔列能不懷媿孔眈道德樊
須是鄙董樂琴書田園不履苟能超然
投迹高軌敢不斂衽敬歎一作讚厥美

命子

悠二我祖爰自陶唐邈為虞賓歷世重
光御龍勤夏豕韋翼商穆二司徒厥族
以昌紂二戰國漢二棄周鳳隱於林幽

人在止逸虬撓雲奔鯨駭流天集有漢
眷余慙侯於赫慙侯運當攀龍撫劍夙
邁顯茲武功書誓山河啓土開封壘二
丞相允迪前蹤渾二長源蔚二洪柯羣
川載導衆條載羅時有語默運曰隆宗
在我中晉業融長沙桓二長沙伊勲伊
德天子疇我專征南國功遂辭歸臨寵
不忒孰謂斯心遠一作而近可得肅矣我
祖慎終如始直方二臺惠和千里於皇

仁考淡焉虛止寄迹風雲冥茲愠喜嗟
余寡陋瞻望弗及顧慙華鬢負景隼立
三千之罪無後為急我誠念哉叨聞爾
泣卜云嘉日占亦良時名汝曰儼字爾
求思溫恭朝夕念茲在茲尚想孔伋庶
其企而厲夜生子遽而求火凡百有心
奚特於我既見其生實欲其可人亦有
言斯情無假日居月諸漸免於孩福不
虛至禍亦易來夙興夜寐願爾斯才爾
之不才亦已焉哉

歸鳥

翼翼歸鳥晨去于林遠之八表近憇雲
岑和風不洽翻翻求心願儔相鳴景庇
清陰翼翼歸鳥載翔載飛雖不懷遊見
林情依遇雲頡頏相鳴而歸遐路誠悠
性愛無遺翼翼歸鳥馴宋本林徘徊豈
思天路欣反舊棲雖無昔侶衆聲每諧
日夕氣清悠然其懷翼二歸鳥戢羽寒

條遊不曠林宿不森標晨風清興好音
時交增繳奚施已卷安勞一作旦莫道遙

陶淵明集卷第一

陶淵明集卷第二

詩

形影神 并序

貴賤賢愚莫不營營以惜生斯甚惑焉
故極陳形影之苦言神辨自然以釋之
好事君子共取其心焉

形贈影

天地長不沒山川無改時一作如草木
得常理霜露榮悴之謂人最靈智獨復

不知茲適見在世中有去靡歸期奚覺
無一人親識豈相思一作相但餘平生
物舉目情悽洒我無騰化術必尔不復
疑願君取吾言得酒莫苟辭

影答形

存生不可言衛生每苦拙誠願游崑華
邈然茲道絕與子相遇來未嘗異悲悅
態蔭若暫乖止日終不別此同既難常
黷爾俱時滅身沒名亦盡念之五情熱

立善有遺愛胡可不自竭酒云能銷憂
方此詎一作誠不劣

神釋

大鈞無私力萬物自森著人為三才中
豈不以我故與君雖異物生而相依附
結託善惡一作既喜同安得不相與三皇大
聖人今復在何處彭祖愛永年欲留不
得住老少同一死賢愚無復數日醉或
能忘將非但齡具立善常所欣誰當為

汝譽甚念傷吾生。正宜委運去。縱浪大
化中。不喜亦不懼。應盡便須盡。無復獨
多慮。

九日閑居 并序

余閑居愛重九之名。秋菊盈園而持醪
靡由空服。其華寄懷於言。

世短意怕多。斯人樂久生。日月依辰至。
舉俗愛其名。露漙暄風息。氣澈天象明。
往燕無遺影。來鴈有餘聲。酒能祛百慮。

菊為

一作解

制頽齡。如何蓬廬士。空視時

運傾。塵爵恥虛壘。寒華徒自榮。歛襟獨
閑謠。緬焉起深情。棲遲固多娛。淹留豈
無成。

歸園田居六首

少無適俗韻。性本愛丘山。誤落塵網中。
一去三十年。羈鳥戀

一作

舊林。池魚思

故淵。開荒南野際。守拙歸園田。方宅十
餘畝。草屋八九間。榆柳蔭後簷。桃李羅

堂前曖曖遠人村。依依墟里煙。狗吠深
巷中。鷄鳴桑樹顛。戶庭無塵雜。虛室有
餘閑。久在樊籠裏。復得反自然。
野外罕人事。窮巷寡一作輪鞅白日掩
荆扉。虛室絕塵想。時復墟曲中。披草共
來往。相見無雜言。但道桑麻長。桑麻日
已長。我志日已廣。常恐霜霰至。零落同
草莽。

種豆南山下。草盛豆苗稀。晨理荒穢。

帶月荷鋤歸。道狹草木長。夕露沾我衣。
衣沾不足惜。但使願無違。

久去山澤游。浪莽林野娛。試携子姪輩。
披榛步荒墟。徘徊丘隴間。依依昔人居。
井甃有遺處。桑竹殘朽株。借問採薪者。
此人皆焉如。薪者向我言。死沒無復餘。
一世異朝市。此語真不虛。人生似幻化。
終當歸空無。
悵恨獨策還。崎嶇歷榛曲。澗水清且淺。

遇以濯吾足。漉我新熟酒。隻雞招近局。
日入室中闇。荆薪代明燭。歡來苦夕短。
已復至天旭。

種苗在東臯。苗生滿阡陌。雖有荷鋤倦。
濁酒聊自適。日莫巾柴車。路暗光已夕。
歸人望煙火。稚子候簷隙。問君亦何為。
百年會有役。但願桑麻成。蚕月得紡績。
素心正如此。開運望三益。

或云此篇非淵明所作

問來使

南唐本有此一首

爾從山中來。早晚發天目。我屋南窓下。
今生幾叢菊。薔薇葉已抽。秋蘭氣當馥。
歸去來山中。山中酒應熟。

遊斜川

并序

辛丑歲正月五日。天氣澄和。風物閑美。
與一二隣曲。同遊斜川。臨長流。望層城。
魴鯉躍鱗於將夕。水鷗乘和以翻飛。彼
南阜者。名實舊矣。不復乃為。嗟歎若夫。
層城傍無依。接獨秀中臯。遙想靈山有。

愛嘉名欣對不足率爾一作賦詩悲日

月之遂往悼吾年之不留各疏年紀鄉

里以記其時日

開歲條五十吾生行歸休念之動中懷

及辰為茲遊氣和天唯澄班坐依遠流

弱湍馳文魴閑谷矯鳴鷗迥澤散游目

緬然睇層丘雖微九重秀願瞻無匹儔

提壺接賓侶引滿更獻酬未知從今去

當復如此不中觴縱遙情忘彼千載憂

且極今朝樂明日非所求

示周掾祖謝

負痾頽簷下終日無一欣藥石有時閑

念我意中人相去不尋常道路邈一作

無目周生迷孔業祖謝響然臻道喪向

千載今朝復斯聞馬隊非講肆校書亦

已勤老夫有所愛思與爾為隣願君謝

諸子一作願言從我潁水濱

乞食

飢來驅我去一作不知竟何之行二至

斯里叩門拙言辭主人解一作余意遺

贈副盧期談話終日夕觴至輒傾杯情

欣新知歡言詠遂賦詩感子漂母惠媿

我非韓才銜戢知何謝冥報以相貽

諸人共遊周家墓柏下

今日天氣佳清吹與鳴彈感彼柏下人

安得不為歡清歌散一作新聲綠酒開

芳顏未知明日事余襟良已彈

怨詩楚調示龐主簿鄧治中

天道幽且遠鬼神茫昧然結駸念善事

僂俛六九一作年弱冠逢世阻始室喪

其偏炎火屢焚和螟蟻恣中田風雨縱

橫至收斂不盈廛夏日長抱飢寒夜無

被眠造夕思鷄鳴及晨顙烏遷在已何

怨天離憂悽目前吁嗟身後名於我若

浮煙慷慨獨一作悲歌鍾期信為賢

答龐參軍并序

三復來貺欲罷不能自爾隣曲冬春再
交欵然良對忽成舊游俗諺云數面成
親舊况情過此者乎人事好乖便當語
離楊公所歎豈惟常悲吾抱疾多年不
復為文本既不豐復老病繼之輒依周
禮一作孔往復之義以為別後相思之資
相知何必舊傾蓋定前言有客賞我趣
每二顧林園談諧無俗調所說聖人篇
或有數斗酒閑飲自歡然我寔幽居士

無復東西緣物新人唯舊弱毫多所宣
情通一作懷萬里外形跡滯江山君其愛
體素來會在何年

五月旦作和戴主簿

虛舟縱逸棹迴復遂無窮發歲始俛仰
星紀奄將中南一作恣罕悴物北林榮且豐
萍光一作神潤寫時雨晨色奏景風既來孰
不去人理固有終居常待其盡曲肱豈
傷冲遷化或夷險肆志無窳隆即事如

已高何必升華嵩

連雨獨飲

運生會歸盡終古謂之然世間有松喬
於今定何閒故老贈余酒乃言飲得仙
試酌百情遠重觴忽忘天天際去此幾
一云天豈去此哉任真無所先雲鶴有奇翼八
表須臾還顧我抱茲獨僂俛四十年形
骸久已化心在復何言

移居二首

昔欲居南村非為卜其宅間多素心人
樂與數晨夕懷此頗有年今日從茲役
弊廬何必廣取足蔽床席鄰曲時時來
抗言談在昔奇文共欣賞疑義相與析
春秋多佳日登高賦新詩過門更相呼
有酒斟酌之農務各自歸閑暇輒相思
相思則披衣言笑無厭時此理將不勝
無為忽去茲衣食當須紀力耕不吾欺

和劉柴桑

山澤久見招胡事乃躊躇直為親舊故
未忍言索居良辰入奇懷挈杖還西廬
荒塗無歸人時時見廢墟茅茨已就治
新疇復應畬谷風轉淒薄春醪解飢劬
弱女雖非男慰情良勝無栖栖世中事
歲月共相踈耕織稱其用過此奚所須
去去百年外身名同翳如

酬劉柴桑

窮居寡人用時忘四運周門庭多落葉

慨然知已秋新葵鬱北墉一作嘉穉卷
南疇今我不為樂知有來歲不命室携
童弱良日登遠遊

和郭主簿二首

藹二堂前林中夏貯一作復清陰凱風日

時來回飈開我襟息交游閑業卧起弄
書琴園蔬有餘滋舊穀猶儲今營已良
有極過足非所欽春秫作美酒二熟吾
自斟弱子戲我側學語未成音此事真

復樂聊用忘華簪遙二望白雲懷古一何深

和澤周三春清涼素秋節露凝無游氛

天高風景澈陵岑聳逸峯遙瞻皆竒絕

芳菊開林耀青松冠巖列懷此貞秀姿

卓為山一作霜下傑銜觴念幽人千載撫

爾設檢素不獲展厭二竟良月

於王撫軍座送客

冬日淒且厲百卉具已腓爰以履霜節

登高餞將歸寒氣冒山澤游雲條無依

州渚四緬邈風水互乖違瞻夕欣良讌

離言聿云悲晨鳥莫來還懸崖一作車斂

餘暉逝止判殊路旋駕悵遲二目送迴

舟遠情隨萬化遺

與殷晉安別并序

殷先作晉安南府長史掾因居潯陽後

作太尉參軍移家東下作此以贈

遊好非久長一遇盡慇懃信宿訓清話

益復知為親去歲家南里薄作少時隣
負杖肆遊漫淹留忘宵晨語默自殊勢
亦知當乖分未謂事已及興言在茲春
飄二西來風悠二東去雲山川千里外
言笑難為目良才一作華不隱世江湖多
賤貧脫有經過便念來存故人

贈羊長史

左軍羊長史銜使秦川作此與之羊名
愚生三季後慨然念黃虞得知千載上

正賴古人書賢聖留餘迹事二在中都
豈忘游心目關河不可踰九域甫爾去
逝將理舟輿聞君當先邁負病不獲俱
路若經商山為我少躊躇多謝綺與角
一作精爽今何如紫芝誰復採深谷久
應蕪馬馬無貫患貧賤有交娛清謠結
心曲人乘運見踈擁懷累代下言盡意
不舒

歲莫和張常侍

市朝悽舊人駉驥感悲泉明旦非今日
歲莫余何言素顏斂光潤白髮一已繁
闊哉秦穆談旅力豈未愆向夕長風起
寒雲沒西山厲厲一作冽氣遂嚴紛二飛
鳥還民生鮮常在矧伊愁苦纏屢缺清
醑至無以樂當年窮通靡欣一作收慮顛
顛由化遷撫已有深懷履運增慨然
和胡西曹示顧賊曹
蕤賓五月中清朝起南颶不駛亦不遲

飄二吹我衣重雲蔽白日閑雨紛微二

流目視西園曄二榮紫葵於今甚可愛

奈何當一作行復衰感物願及時每恨靡

所揮悠二待秋稼寥落將賒遲逸想不

可淹猖狂獨長悲

悲送弟敬德

銜哀過舊宅悲淚應心零借問為誰悲
懷人在九冥禮服名羣送恩愛若同生
門前執手時何意爾先傾在數竟不免

為山不及成慈母沉哀疾二肩纒數齡
雙位委空館朝夕無哭聲流塵集虛坐
宿草旅依一作前庭階除曠遊迹園林獨
餘情翳然乘化去終天不復形遲二將
迴步惻二悲襟盈一作襟涕盈

陶淵明文集卷第二

陶淵明集卷第三

詩

文選五臣注陶淵明辛丑歲七月
赴假還江陵夜行塗中詩題云淵
明詩晉所作者皆題年號入宋所
作但題甲子而已意者恥事二姓
故以異之思悅考淵明之詩有以
題甲子者始庚子距丙辰凡十七
年間只九首耳皆晉安帝時所作

也中有乙巳歲三月為建威參軍
使都經錢溪作此年秋乃為彭澤
令在官八十餘日即解印綬歸
玄來多辭後一十六年庚申晉禪
宗恭帝元熙二年也蕭德施淵明
傳曰自宋高祖王業漸隆不復肯
仕於淵明之出處得其實矣寧容
晉未禪宋前二十年輒恥事二姓
所作詩但題甲子而自取異哉矧

詩中又無有標晉年號者首所題
甲子蓋偶記一事自後人類而次
之亦非淵明之意也世之好事者
多尚舊說今日詳校故書於第三
卷首以明五臣之失且祛來者之
惑焉

始作鎮軍參軍經曲阿

弱齡寄事外委懷在琴書被褐欣自得
屢空常晏如時來苟冥會婉孌一作態

通衢投策命晨裝暫與園田踈眇二孤
舟逝綿二歸思紆我行豈不遙登陟千
里餘目倦川塗異心念山澤居望雲慙
高鳥臨水愧游魚真想初在襟襟一作在襟懷
誰謂形蹟拘聊且憑化遷終返班生廬

庚子歲五月中從都還阻風

於規林二首

行行循歸路計日望舊居一欣侍溫顏
一作清再喜見友于鼓棹路崎曲指景限

西一作四

隅江山豈不險歸子念前途凱

風負我心戢柁守窮湖高莽眇無界夏
木獨森疎誰言客舟遠近瞻百里餘延

目識

一作城

南嶺空歎將焉如

自古歎行役我今始知之山川一何曠
巽坎難與期崩浪聒天響長風無息時
久游戀所生如何淹在茲靜念園林好
人間良可辭當年詎有幾繼心復何疑
辛丑歲七月赴假還江陵夜

行塗中

閑居三十載遂與塵事冥詩書數宿好
林園無俗情如何捨此去遙遙至南荆
叩柰新秋月臨流別友生涼風起將夕
夜景湛靈明昭昭天宇闊晶晶川上平
懷役不遑寐中宵尚孤征商歌非吾事
依依在耦耕投冠旋舊墟一作廬不為好
爵榮養真衡茅下庶以善自名

癸卯歲始春懷古田舍二首

在昔閭南畝當年竟未踐屢空既有人
春興豈自免夙晨裝吾駕啓塗情已緬
鳥哢歡新節冷風送餘善寒草一作竹被
荒蹊地為罕一作幽人遠是以植杖翁悠
然不復返即理愧通識所保詎成淺
先師有遺訓憂道不憂貧瞻望邈難逮
轉欲思長勤秉耒力時務解頽勸農人
平疇交遠風良苗亦懷新雖未量歲功
即事多所欣耕者一作種有時息行者無

問津日入相與歸壺漿勞近隣長吟掩
柴門聊為隴畝民

癸卯歲十二月中作與從弟

敬遠

寢迹衡門下邈與世相絕顧眄莫誰知

荆扉晝常閉

一作荆門終日
閉用音方結反

淒二歲莫

風醫翳經日

夕一作

雪傾耳無希聲在日

皓已絜勁氣侵襟袖簞瓢謝屢設蕭索
空宇中了無一可悅歷覽千載書時時

見遺烈高操非所攀深

宗本
作謬

得固窮節

平津苟不由栖遲詎為拙寄意一言外
茲契誰能別

乙巳歲三月為建威參軍使

都經錢溪

我不踐斯境歲月好已積晨夕看山川
事二悉如昔微雨洗高林清飈矯雲翮
眷彼品物存義風都未隔伊余何為者
勉勵從茲役一形似有制素襟不可易

園田日夢想安得久離析一作拆終懷在

歸一作壑舟諒哉宜一作負霜柏

還舊居

疇昔家居一作居上京六載去還歸今日始

復來惻愴多所悲阡陌不移舊邑屋或

時非履歷周故居隣老罕復遺步一作尋

往迹有處特依依流幻百年中寒暑日

相推常恐大化盡氣力不及衰撥一作廢

置且莫一作旦暮念一觴聊可揮

戊申歲六月中遇火

草廬寄窮巷甘以辭華軒正夏長風急

林室頓燒燔一宅無遺宇舫舟蔭門前

迢迢新秋夕亭亭月將圓果菜一作藥始

復生驚鳥尚未還中宵竚遙念一盼周

九天總髮抱孤念一作諸孤奄出四十年形

迹憑化往靈府長獨閑貞剛自有質玉

石乃非堅仰想東戶時餘糧宿中田鼓

腹無所思朝起暮歸眠既已不遇茲且

遂灌我園

己酉歲九月九日

靡二秋已夕淒三風露交蔓草不復榮
園林一作木空自凋清氣澄餘滓杳然天
界高衆蟬無歸響藁鴈鳴雲霄萬化相
尋繹人生豈不勞從古皆有沒念之中
心焦何以稱我情濁酒且自陶千載非
所知聊以永今朝

庚戌歲九月中於西田穫早

稻

人生歸有道

一作事

衣食固其端

一作執

是都不營而以求自安開春

一作春事

理常

業歲功聊可觀晨出肆微勤日入負耒

還

一作負耒

山中饒霜露風氣亦先寒田家

豈不苦弗獲辭此難四體誠乃疲交無

異患千盥濯息簷下斗酒散襟顏遙遙

沮溺心千載乃相關但願長如此躬耕

非所歎

丙辰歲八月中於下溪田舍

穫

貧居依稼穡

一作事
耕稼

勸力東林隈不言

春作苦常恐負所懷
司田眷有秋寄聲

與我諧飢者歡初飽
東帶候鳴鷄揚楫

越平湖汎隨清壑迴
鬱二荒山裏援聲

閑且哀悲風愛靜夜
林鳥喜晨開日余

作此來三四星火頽
姿年逝已老其事

未云乖遥謝荷篠翁
聊得從君栖

飲酒二十首并序

余閑居寡歡兼比夜已長偶有名酒無

夕不飲顧影獨盡忽焉復醉既醉之後

輒題數句自娛紙墨遂多辭無詮次聊

命故人書之以為歡笑爾

象榮無定在

一作

彼此更共之邵生瓜

田中寧似東陵時寒暑有代謝人道每

如茲達人解其會

一作

逝將不復疑忽

與一觴酒日夕歡自持

積善云有報夷狄在西山善惡苟不應
何事空立言九十行帶索飢寒况一作抱

當年不賴固窮節百世當誰傳

道喪一作衰向千載人人惜其情有酒不

肯飲但願世間名所以貴我身豈不在

一生一生復能幾條如流電驚一作倏忽若沈

星鼎鼎百年內持此欲何成

栖栖失羣鳥日莫猶獨飛裴回無定止

夜夜聲轉悲厲響思清遠去來何依依

一作厲響思清晨遠去何所依 曰值孤生松斂翮遙一作

終來歸勁風無榮木此廡獨不衰託身

已得所千載不相違

結廬在人境而無車馬喧問君何能一作

為爾心遠地自偏採菊東籬下悠然見

南山山氣日夕佳飛鳥相與還此中一作

還有真意欲辨已一作忽忘言

行止千萬端誰知非與是是非苟相形

雷同共譽毀三季多此事達士似不爾

咄二俗中惡且當從黃綺

秋菊有佳色裛露掇其英汎此忘憂物

遠我遺世情一觴雖獨進杯盡壺自傾

日入羣動息歸鳥趨林鳴嘯傲東軒下

聊復得此生

青松在東園衆草沒其姿凝晨一作霜殄

異類卓然見高枝連一作林人不覺獨

樹衆乃奇一作提壺挂一作寒柯遠望

時復為一作復吾生夢幻間何事細塵

羈

清晨聞叩門倒裳往自開問子為誰與

田父有好懷壺漿遠見候疑我與時乖

繼縷茅簷下未足為高栖舉世皆尚同

願君汨其泥深感父老言稟氣寡一作

所諧紆戀誠可學違已詎非迷且共歡

此飲吾駕不可迴

在昔曾遠遊直至東海隅道路迴且長

風波阻一作起一作中途此行誰使然似為飢

所驅傾身營一飽少許便有餘恐此非
名計息駕歸閑居

顏生稱為仁榮公言有道屢空不獲年

長飢至于一作老雖留身後名一生亦

枯槁死去何所知稱心固為好客一作

養千金軀臨一作化消其實裸葬何必

惡人當解意表一作

長公曾一仕壯節忽失時杜門不復出

終身與世辭仲理歸大澤高風始在一作

如茲一往便當已何為復狐疑去去當

奚道世俗久相欺擺落悠悠談請從余

所之

有客常同止取捨邈異境一士長獨醉

一夫終年醒醒醉還一作相笑發言各

不領規規一何愚兀傲若穎寄言酣

中客日沒燭可炳一作獨

故人賞我趣挈壺相與至班荆坐松下

數斟已復醉父老雜亂言觴酌失行次

不覺知有我安知物為貴悠悠一作迷

所留一作酒中有深味一作固

貧居乏人工一作木荒余宅班班有

翔鳥寂寂無行跡宇宙一何悠悠一作何

人生少至百歲月相催逼一作過鬢邊早

已白若不委窮達素抱深可惜

少年罕人事遊好在六經行行向不惑

淹留自一作無成竟抱固窮節飢寒飽

所更弊蘆交悲風荒草沒前庭披褐守

長夜晨雞不肯鳴孟公不在茲終以翳

吾情

幽蘭生前庭含薰待清風清風脫然一作

若至見別蕭艾中行行失故路任道或

能通覺悟當念還鳥盡廢良弓

子雲性嗜酒家貧無由得時賴好事人

載醪祛所惑觴來為之盡是語無不塞

有時不肯言豈不在伐國仁者用其心

何嘗失顯默

疇昔苦長飢投耒去學仕將養不得節

凍餒固一作纏已是時向立年志意多

所耻遂盡介然分終死一作拂衣歸田里冉

冉星氣流亭亭復一紀世路廓悠悠楊

朱所以止一作揚岐何以止雖無揮金事濁酒

聊可恃

義農去我久舉世少復真汲汲魯中叟

彌縫使其溇鳳鳥雖不至禮樂暫得一作

時新洙泗輟微響漂流逮狂秦詩書復

何罪一朝成灰塵區區諸老翁為事誠

慙慙如何絕世下六籍無一親終日馳

車走不見所問一作憑津若復不快飲空

負頭上巾但恨多謬誤君當怒醉人

止酒

居止次城邑逍遙自閑止坐止高蔭下

步一作行止葦門裏好味止園葵大一作天

歡止稚子平生不止酒止酒情一作懼無

喜暮止不安寢晨止不能起日日欲止

之營衛止不理徒知止不樂未信止利
已始覺止為善今朝真止矣從此一止
去將止扶桑淡清顏止宿容一作客奚止
千萬祀

述酒

儀狄造杜康潤色之宋
本云此篇與題非本意
此諸本如

重商照南陸鳴鳥聲相聞秋草雖未黃
融風久已分素礫一作襟輝脩渚南嶽無
餘雲豫章抗高門重華固靈一作虛墳流

淚抱中歎傾耳聽司晨神州獻嘉粟西

靈

一作雲
一作零

為我馴諸梁董師旅竿

一作羊非

勝喪其身山陽歸下國成名猶不勤卜

生善斯牧安樂不為君平生去舊京峽

中納遺薰雙陵

一作陽

甫云育三趾顯奇

父王子愛清吹日中翔河汾朱公練九

齒閑居離世紛我

一作西嶺四顧內偃息

得所親天容自永固彭殤非等倫

責子

舒儼宣侯雍仿端佚通
凡五人舒宣雍端通

時小名也
侯一作侯

白髮被兩鬢肌膚不復實雖有五男兒
惣不好紙筆阿舒已二八懶惰故無匹
阿宣行志學而不愛文術雍端年十三
不識六與七通子垂九齡但念一作梨
與栗天運苟如此且進杯中物

有會而作并序

舊穀既沒新穀未登頗為老農而值年
灾日月尚悠為患未已登歲之功既不

可希朝夕所資煙火裁通旬日已來始
念飢乏歲云夕矣慨然永懷今我不述
後生何聞哉

弱年逢家乏老至更長飢藟麥宜所羨

孰敢慕甘肥惣如亞九一作惡無飯當暑厭

寒衣歲月將欲暮如何辛苦一作足悲常

善粥者心深恨蒙袂非嗟來何足吝徒

沒空自遺斯濫豈彼一作志固窮風所

歸餒也已矣夫在昔余多師


陶集三
五
蜡日

風雪送餘運無妨時已和梅柳夾門植
一條有佳花我唱爾言得酒中適何多
未能明多少章山有奇歌

四時

春水滿四澤夏雲多奇峯秋月揚明暉
冬嶺秀孤寒一作松

陶淵明文集卷第三



陶淵明文集卷第四
詩

擬古九首

榮榮牕下蘭密密堂前柳初與君別時
不謂行當久出門萬里客中道逢佳友
未言心相醉不在接杯酒蘭枯柳亦衰
遂令此言負一作時沒多謝諸少年相
知不中厚一作厚意氣傾人命離隔復何
有

辭家夙嚴駕當往至無終問君今何行
非商復非戎聞有田子春節義為士雄
斯人久已死鄉里習其風生有高世名
既沒傳無窮不學狂一作馳子直在百
年中
仲春遘時雨始雷發東隅衆蟄各潛駭
草木從橫此一作舒翩二新來燕雙二入
我廬先巢故尚在相將還舊居自從分
別來門庭日荒蕪我心故匪石君情定

何如

迢迢百尺樓分明望四荒暮作歸雲宅
朝為飛鳥堂山河滿目中平原獨茫茫
古時功名士慷慨爭此場一旦百歲後
相與還北邙松柏為人伐高墳互低昂
頽基無遺主游魂在何方榮華誠足貴
亦復可憐傷

東方有一士被服常不完三旬九遇食
十年著一冠辛苦無此比常有好奇顏

我欲觀其人晨去越河關青松夾路生
白雲宿簷端知我故來意取琴為我彈
上絃驚別鶴下絃操孤鸞願留就君住
從今至歲寒

蒼二谷中樹冬夏常如茲年年見霜雪
誰謂不知時厭聞世上語結友到臨淄
稷下多談士指往一作決吾疑裝束既
有日已與家人辭行行傳出門還坐更
自思不怨道里長但畏人我欺萬一不

合意永為世笑之伊懷誰與一作道為
君作此詩

日暮天無雲春風扇激和佳人美清夜
達曙酣且歌二竟長歎息持此感人多
皎二雲間月灼二葉中華豈無一時好
不久當如何

少時壯且厲撫劍獨行遊誰言行遊近
張掖至幽州飢食首陽薇渴飲易水流
不見相知人惟見一作古時丘路邊兩

高墳伯牙與莊周此士難再得吾行欲
何求

種桑長江邊三年望當採枝條始欲茂
忽值山河水一作改柯葉自摧折根株浮
滄海春蠶既無食寒衣欲誰待本不植
高原今日復何悔

雜詩十二首

人生無根蒂飄如陌上塵分散逐風轉
此已非常身流落成兄弟何必骨肉親

得歡當作樂斗酒聚比隣盛年不重來
一日難再晨及時當勉勵歲月不待人
白日淪西河素月出東嶺遙二万里暉
蕩二空中景風來入房戶中夜枕席冷
氣變悟時易一作異不眠知夕永欲言無
余和揮杯勸孤影日月擲人去有志不
獲騁念此懷悲悽終曉不能靜

榮華難久居盛衰不可量昔為三春蕖
今作秋蓮房嚴霜結野草枯悴未遽央

日月有環周一作復我去不再陽眷二往

昔時憶此斷人腸

丈夫志四海我願不知老親戚共一處

子孫還相保觴紉肆朝日樽中酒不燥

緩帶盡歡娛起晚眠常早熟若當世士

冰炭滿懷抱百年歸一作掃止壘用此空

名道

憶我一作昔少壯時無樂自欣豫猛志逸

四海騫一作輕翻思遠翥荏苒歲月頽此

心稍已去值歡無復娛每每多憂慮氣

力漸衰損轉覺日不如壑舟無須曳引

我不得任前途當幾許未知止泊一作宿

處古人惜寸陰念此使人懼

昔聞長者一作老言掩耳每不喜柰何五

十年忽已親此事求我盛年時一作時歡一

毫無復意去去轉欲遠此生豈一作難再

值傾家時作一作持樂竟此歲月駛有子

不留金何用身後置一作宗本

日月不肯遲四時相催迫寒風拂枯條
落葉掩一作長陌弱質與運頽玄鬢早
已白素標挿人頭前途漸就窄家為逆
旅舍我如當去客去去欲何之南山有
舊宅

代耕本非望所業在田桑躬親未曾替
寒餒常糟糠豈期過滿腹但願飽粳糧
御冬足大布屨絺以應陽政今不能得
哀哉亦可傷人皆盡獲宜拙生失其方

理也可奈何且為陶一觴

遙遙從羈役一心處兩端掩淚汎東逝
順流追時遷日沒星與昴勢翳西山巔
蕭條隔天涯惆悵念常復慷慨思南歸
路遐無由緣關梁難虧替絕音寄斯篇
閑居執蕩志時駛不可稽驅役無停作
休息軒裳逝東崖沉陰擬薰麝寒氣激
我懷一作汎舟董司歲月有常御我來
淹已彌慷慨憶綢繆此情久已離荏苒

陸集四
經十載暫為人所羈庭宇翳餘木條忽
日月虧

我行未云遠迴顧慘風涼春燕應節起
高飛拂塵梁邊鴈悲無所代謝歸北鄉
離鷓鳴清池涉暑經秋霜愁人難為辭
遙遙春夜長

娟娟松標崖婉孌柔童子年始三五間
高柯何可倚一作柯條養色含津氣繁
然有心理

詠貧士七首

萬族各有託孤雲獨無依曖曖空中滅
何時見餘暉朝霞開宿霧衆鳥相與飛
遲遲出林翮未夕復來歸一作未夕量
力守故轍豈不寒與飢知音苟不存已
矣何所悲一作當

淒厲歲云暮擁褐曝前軒南圃無遺秀
枯條盈北園傾壺絕餘瀝窺竈不見煙
詩書塞坐外日昃不遑研閑居非陳厄

竊有慍見言何以慰吾懷賴古多此賢

榮叟老帶一作紫索欣然方彈琴原生納

决履履一作履清歌暢高音重華去我久貧

士世相尋弊襟不掩肘藜羹常乏斟豈

忘艱輕裘苟得非所欽賜也徒能辯乃

不見吾心

安貧守賤者自古有黔婁好爵吾不禁

厚饋吾不酬一旦壽命盡弊服仍一作蔽覆

乃不周豈不知其極非道故無憂從來

將千載未復見斯儔朝與仁義生夕死

復何求

袁安門積雪邈然不可干阮公見錢入

即日棄其官芻藁一作藁有常溫探管一作

采足朝飡豈不實辛一作苦所懼非飢寒貧

富常交戰道勝無戚一作厚願至德冠邦

閭清節映西關

仲蔚愛窮居遠宅生蒿蓬翳然絕交游

賦詩頗能工舉世無知者止有一劉龔

此士胡獨然寔由罕所同介焉安其業
所樂非窮通人事固已拙聊得長相從
昔在一作有黃子廉彈冠佐名州一朝辭
吏歸清貧略難儔年飢感仁妻事作泣
涕向我流丈夫雖有志固為兒女孫一作
憂患孫一晤歎腆贈竟莫酬誰云固窮
難一作節邈哉此前脩

詠二疎

大象轉四時功成者自去借問衰一作商

周來幾人得其趣游目漢廷中二疎復
此舉高嘯返舊居長捐儲君傳餞送傾
皇朝華軒盈道路離別情所悲餘榮何
足顧事勝感行人賢哉豈常譽厭二閭
里歡所營非近務但席延故老揮觴道
平素問金終寄心清言曉未悟放意樂
餘年遑恤身後慮誰云其人亡久而道
彌著

詠三良

彈冠乘通津但懼時我遺服勤盡歲月
常恐功愈微忠一作中情謬獲露遂為君
所私出則陪文輿入必侍丹帷箴規嚮
已溢計議初無衢一朝長逝後願言同
此歸厚息固心難忘君命一作願命安可
違臨穴固惟遲疑投義志收希荆棘
籠高墳黃鳥聲正悲良人不可贖泣然
沾我衣

詠荆軻

燕丹善養士志在報強羸招集百夫良
歲暮得荆卿君一作之子死知己提劍出
燕京素驥鳴廣陌慷慨送我行雄髮指
危冠猛氣衝長纓飲餞易水上四座列
羣英漸離擊悲筑宗意唱高聲蕭二哀
風逝一作起淡二寒波生商音更流涕羽
奏壯士驚公知去不歸一作去且有
後一作百世名登車何時願飛蓋入秦庭
凌厲越萬里逶迤過千城圖窮事自至

豈伊君子寶見重我軒黃一作皇

翩翩三青鳥毛色奇一作甚可憐朝為王一作且

母使暮歸三危山我欲回此鳥具一作且

向王母言在世無所須唯酒與長年一作唯願此

長年 逍遙蕪臯上杳然望扶木洪柯百萬尋

森散覆陽谷靈人侍一作待丹池朝朝為

日浴神景一登天何幽不見燭

粲粲三珠樹寄生赤水陰亭亭凌風桂

八幹共成林靈鳳撫雲舞神鸞調玉音

雖非世上寶爰得王母心

自古皆有沒何人得一作氏獨靈長不死

復不老萬歲如平常赤泉給我飲負上

足我糧方與三辰游壽考豈渠央

夸父誕宏志乃與日競走俱至虞淵下

似若無勝負神力既殊妙傾河焉足有

餘迹寄鄧林功竟在身後

精衛銜微石將以填滄海形夭無千歲

猛志故常在 同物既無慮 化去不復悔
徒設在昔心 良辰詎可待

巨猾危一作肆威暴 欽駭違帝旨 冥竊強

能變祖江遂 獨死明明上 天鑒為惡不

可履長枯固 已劇鷓鴣一作雞豈足恃

鵬鵠一作鳴鵠見城邑 其國有放士 念彼懷

王世當時數 來止一云念彼懷王青丘

有奇身自言 獨見爾一作本為迷者生

不以喻君子

巖巖一作悠悠顯朝市 帝者慎一作善用才何

以廢共鮐重 華為之來 仲文獻誠言 姜

公乃見猜臨 沒告飢渴當 復何及哉

擬挽歌辭三首

有生必有死 早終非命促 昨暮同為人

今旦在鬼錄 魂氣散何之 枯形寄空木

嬌兒索父啼 良友撫我哭 得失不復知

是非安能覺 千秋萬歲後 誰知榮與辱

但恨在世時 飲酒不得足一作常不足

在昔無酒飲今但湛空觴春醪生浮蟻

何時更一作復能嘗肴案盈我前親舊哭

我傍欲語口無音欲視眼無光昔在高

堂寢今宿荒草鄉極一本有荒草無人眠

又作直一朝出門去歸來良未央

荒草何茫茫白楊亦蕭蕭嚴霜九月中

送我出遠郊四面無人居高墳正崔嵬

馬為仰天鳴風為自蕭條一作鳥為動

風幽室一已閉千年不復朝千季不復

朝賢達無柰何向來相送人各自一作已

還其家親戚或餘悲他人亦已歌死去

何所道託體同山阿

聯句

鳴鴈乘風飛去去當何極念彼窮居士

如何不歎息明雖欲騰九萬扶搖竟何

一作無力遠招王子高雲駕庶可飭悟顧

侶正徘徊離離翔天側一作離顧侶正離

霜露豈不切務從忘愛翼循之一作霜

陶淵明文集卷第四
愛雙飛翼高柯擢條幹遠眺同天色思絕慶
未看徒使生迷惑

陶淵明文集卷第四

陶淵明文集卷第五

賦辭

感士不遇賦 并序

昔董仲舒作士不遇賦司馬子長又為

悲一作

之余嘗以三餘之日講習之暇讀

其文慨然惆悵夫履信思順生人之善

行抱朴守靜君子之篤業

一作素

自真風

告逝大偽斯興閭閻懈廉退之節市朝
驅易進之心懷正志道之士或潛玉於



當年潔已清操之人或沒世以徒勤作

懷正志道之士或潛於當年
潔已清操之人或沒於往世故夷皓有

安歸之歎三閭發已矣之哀悲夫寓形

百年而瞬息已盡立行之難而一城莫

賞此古人所以深翰慷慨屢伸而不能

已者也夫導達意氣其惟父子撫卷躊

躇遂感而賦之

咨大塊之受氣何斯人之獨靈稟神智

以藏照一作秉三五而垂名或擊壤以

自歡或大濟於蒼生靡潛躍之非分常

傲然以稱情世流浪而遂徂物群分以

相形容網裁而魚駭宏羅制而鳥驚彼

達人之善覺乃逃祿而歸耕山嶷二而

懷影川汪二而藏聲望軒唐而永嘆甘

貧賤以辭榮溇源汨以長分美惡作以

宗本作異途原百行之攸貴莫為善之

可娛奉上天之成命師聖人之遺書發

忠孝於君親生信義於鄉閭推誠心而

獲顯不矯然而祈譽嗟乎雷同毀異物
惡其上妙筭者謂迷直道者云妄坦作
恒至公而無猜平蒙恥以受謗雖懷瓊
而握蘭徒芳潔而誰亮哀哉士之不遇
已在矣帝帝魁之世獨祇脩以自勤豈
三省之或廢庶進德以及時時既至而
不惠無愛生之晤言念張季之終蔽愍
馮叟於郎署賴魏守以納計雖僅然於
必知亦苦心而曠歲審夫市之無虎眩

三夫之獻說悼賈傳之秀朗紆遠纏於
促界悲董相之淵致屢乘危而幸濟感
括人之無偶一作淚淋浪以灑袂承前
王之清誨曰天道之無親澄得一以作
鑒怕輔善而佑仁夷投老以長飢回早
夫而又貧傷請車以備櫛悲茹薇而殞
身雖好學與行義何死生之苦辛疑報
德之若茲懼斯言之虛陳何曠世之無
才罕無路之不澁伊古人之慷慨病奇

名之不立廣結髮以從政不愧賞於萬
邑屈雄志於戚豎竟尺土之莫及留誠
信於身後動衆人之悲泣商畫規以拯
弊言始順而患入奚良及之易傾胡害
勝其乃急蒼旻遐緬人事無已有感有
昧疇測其理寧固窮以濟意不委曲而
累已既軒冕之非榮豈緼袍之為耻誠
謬會以取拙且欣然而歸止擁孤襟以
畢歲謝良價於朝市

閑情賦 并序

初張衡作定情賦蔡邕作靜情賦檢逸
辭而宗澹泊始則蕩以思慮而終歸閑
正將以抑流宕之邪心諒有助於諷諫
綴文之士奕代繼作並曰觸類廣其辭
義余園閭多暇復染翰為之雖文妙不
足庶不謬作者之意乎

夫何瓌逸之令姿獨曠世以秀羣表傾
城之艷色期有德一作聽於傳聞佩鳴玉

以比絜齊幽蘭以爭芬淡柔情於俗內
 負雅志於高雲悲晨曦之易夕感人生
 之長勤同一盡一作畫於百年何歡寡而
 愁殷寒朱幃而正坐汎清瑟以自欣送
 纖指之餘好攘皓袖一作腕之繽紛瞬美
 目以流眄含言笑而不分曲調將半景
 落西軒悲商叩林白雲依山仰睇天路
 俯促鳴絃神儀嫵媚舉止詳妍激清音
 以感予顙接膝一作手以交言欲自往以

結誓懼冒禮之為誓待鳳鳥一作鳴鳳以致
 辭恐他人之我先意惶惑而靡寧魂須
 臾而九選顙在衣而為領承華首之餘
 芳悲羅一作素襟之宵離怨秋夜之未央
 顙在裳而為帶束窈窕之纖身嗟溫涼
 之異氣或脫故而服新顙在髮而為澤
 刷玄鬢以頽肩悲佳人之屢沐徒白水
 以枯煎顙在眉而為黛隨瞻視以閑揚
 悲脂粉之尚鮮或取毀於華粧顙在莞

而為席安弱體於三秋悲文首之代御
方經年而見求願在絲而為履附素足
以周旋悲行止之有節空委棄於床前
願在晝而為影常依形而西東悲高樹
之多蔭慨有時而不同願在夜而為燭
照玉容於兩楹悲扶桑之舒光奄滅景
而歲明願在竹而為扇含凄飈於柔握
悲白露之晨零願襟袖以緬邈願在木
而為桐作膝上之鳴琴悲樂極以哀來

終推我而輟音考所願而必違徒契二
以苦心擁勞情而罔訴步容與於南林
栖木蘭之遺露翳青松之餘陰儻行二
之有覲交欣懼於中懔竟寂寞而無見
獨恟想一本作以空尋歛輕裾以復路
瞻夕陽而流歎步徙倚以忘趣色慘慄
而矜顏葉燠二以去條氣淒二而就寒
日負影以偕沒月媚景於雲端鳥悽聲
以孤歸獸索偶而不還悼當年之晚莫

恨茲歲之欲殫思宵夢以淫之神飄飄
而不安若憑舟之失棹辟緣崖而無攀
于時畢昴一作景盈軒北風淒二惘二不
寐衆念徘徊起攝帶以伺晨繁霜繁於
素階雞歛翅而未鳴笛流遠以噉一作遠
清哀始妙密一作密勿以閑和終寥亮以藏
推意夫人之在茲託行雲以送懷行雲
逝而無語時奄井而就過宋本云行雲
逝而不我留
時亦奄井徒勤思以自悲終阻山而滯
而就過

河迎清風以祛累寄弱志於歸波尤蔓
草之為會誦邨南之餘歌坦萬慮以存
誠總遙情於八選

歸去來兮辭并序

余家貧耕植不足以自給幼稚盈室鉗
無儲粟生二所資未見其術親故多勸
余為長吏脫然有懷求之靡途會有四
方之事諸侯以惠愛為德家叔以余貧
苦遂見用為小邑于時風波未靜心憚

遠役彭澤去家百里公田之利足以為
酒故便求之及少日眷然有歸歟之情
何則質性自然非矯勵所得飢凍雖切
違已交病嘗從人事皆口腹自役於是
悵然慷慨深媿平生之志猶望一稔當
歛裳宵逝尋程氏妹喪于武昌情在駿
奔自免去職仲秋至冬在官八十餘日
因事順心命篇曰歸去來兮乙巳歲十
一月也


歸去來兮田園將蕪胡不歸既自以心
為形役奚惆悵而獨悲悟已往之不諫
知來者之可追寔迷途其未遠覺今是
而昨非舟遙二以輕颺風飄二而吹衣
問江夫以前路恨晨充之熹微乃瞻衡
宇載欣載奔僮僕歡迎稚子候門三逕
就荒松菊猶存攜幼入室有酒盈樽引
壺觴以自酌眄庭柯以怡顏倚南牕以
寄傲審容膝之易安園日涉以成趣門

雖設而常開策扶老以流態時矯首而
遐觀雲無心以出岫鳥倦飛而知還景
翳_二以將入撫孤松而盤桓歸去來兮
請息交以絕游世與我而相違復駕言
兮焉求悅親戚之情話樂琴書以消憂
農人告余以春將有事於西疇或命中
車或棹孤舟既窈窕以尋壑亦崎嶇而
經丘木欣_二以向榮泉涓_二而始流善
萬物之得時感吾生之行休已矣乎寓



形宇內復幾時曷不委心任去留胡為
乎遑_二欲何之富貴非吾願帝鄉不可
期懷良辰以孤往或植杖而耘耔登東
臯以舒嘯臨清流而賦詩聊乘化以歸
盡樂夫天命復奚疑

陶淵明文集卷第五





Faint vertical text in a cursive script, likely bleed-through from the reverse side of the page. The characters are difficult to decipher but appear to be a continuous line of text.





24

